

HSET II TÊSALÔNICA

Bàu hmàih ka oh daq

¹ Phaulô, Siwan xam Timôthê achih ka Tagop Hadroèh oe ta Têsalônica, aih Tagop oe enh dalam Boc Plînh, Baq da bèn, xam enh dalam ka Jesus Christ aih Chuaq bèn:

² waiq ka oh daq jah kan tabàih dech xam kan catèm enh nòe Boc Plînh, Baq bèn xam enh nòe Chuaq Jesus Christ.

Bàu manè apôi sam bàu waiq khàn

³ Nhèn ep manè apôi yôt Boc Plînh am ka oh daq, trong aih troq, majah qmang aih manoh lùì da oh daq rai èh rai tadèch, kan oh daq loq waq ka dabau rai èh rai bàc.

⁴ Qmang aih, oe qne Tagop ma qnoeq da Boc Plînh nhèn hadai jah catèh dèh pì oh daq, khoe cajap manoh, khoe qnhrang kan lùì oe qne kan ranàc pì qnang glàm manòeq.

⁵ Aih khoe tôm ka yiniq òòeq panhìn kan tah hadarah da Boc Plînh aih troq. Haq enh broq dôq ka oh daq jah tajì ka diac da haq, taiq diac aih oh daq majah ep xalep.

⁶ Tiaq kan taq atoq da Boc Plînh, aih èh haq yôc kan nanxa òòeq patem hlài ka mangai ma baxa oh daq,

⁷ khoe aih am ka pì oh daq mangai qnang xalep jah padài ti nhèn, jò Chuaq Jesus Christ loh enh plînh taqne ùnh ma adrènh xam bài bình plînh i cwàng itai da haq,

⁸ baxa chau bài mangai ma ùh canau ka Boc Plinh, ùh iu tiaq Bàu lem da Chuaq Jesus Christ aih Chuaq da bèn.

⁹ Wì aih ep chiùq kan raliang hnhung mòeq đòe, hangai ka hadrò Chuaq xam kan ranhòm da kan itai haq,

¹⁰ Aih la hì haq trùh đòeq jah kan ranhòm oe taqne bài mangai hadròeh, đòeq jah bàu manè apôi da rìm ngai ma lùì, ta aih i oh daq, majah qmang aih pàng oh daq khoe lùì bàu nhèn anoe.

¹¹ Aih ìq, dài nhèn majah ùh hêq ka waiq khàn am ka oh daq, đòeq Boc Plinh bèn broq ka oh daq jah taji ka bàu haq khoe creo, đòeq haq yóc dèh padren hu broq gèh ta oh daq rìm kan loq tamèt oe ta manoh loq waq da haq hloe xam bài yiniq broq loh enh manoh lùì;

¹² qmang aih èh, yiniq Jesus Christ Chuaq da bèn jah qngah qngai tanòe oh daq, oh daq oe enh dalam haq, tiaq kan tabàih dech enh Boc Plinh bèn xam da Chuaq Jesus Christ bèn.

2

Adroe ka hì Chuaq Jesus Christ trùh

¹ Hatuàng trùh hì Jesus Christ Chuaq da bèn trùh, hloe xam jò bèn jah tagop pajùm ti haq,

² aih nhèn doe ka oh daq, apaq rênh ka rawè rênh ka lèt yac ka i bàu cabô doe đeh kô i kiac mahno, yac ka loh enh bàu hnài, yac ka loh enh jàiq achìh tiah ka da nhèn doe hì da Chuaq ten trùh.

³ Yac ka wì broq qmang leq broq, apaq dôq wì qnùt pì. Majah qmang aih, ep waq ka loh kan

manhài adroe, èh magari da kan ngang dù, aih kon da kan raliang hnhung trùh òeq,

⁴ aih la magari ma tablêq rai padêch rađeh enh qnhêq ãiq ãông rìm yiniq kon magari ma kùh waiq ma creò ãeh kiác, haq mùt haqngui qne hnim kùh waiq Boc Plình, cla haq doe ãeh kô raq Boc Plình.

⁵ Oh ãaq ma ùh hmàng jò oe ti oh ãaq, ajoq au khoe anoe trùh trong kô?

⁶ Manòeq kô oh ãaq loq bìác cleq qnang tát padràng haq, aih ìq waq haq loh troq ãeh jò!

⁷ Majah qmang aih manòeq kô kan hlêp da cwìang ngang dù khoe tabroq. Mahaq Mangai ma tát padràng oe raq pagàt haq, mahaq Mangai aih èh ep loh lam.

⁸ Aih èh magari ma tabêq hlài ka ranenh tau hi loh, Chuaq Jesus hi yỏc ãeh hi hêm enh hacùng ãòeq hu jêh ãác magari aih, yỏc ãeh kan qngah qngai jò haq trùh ãòeq palùng ãác hloe magari aih.

⁹ Mangai aih yỏc cwìang enh Satan ãòeq hu trùh, broq bàc kan halac, kan hamàih xam kan qnùt,

¹⁰ yỏc bàc trong ùh taq atoq hu padô bài magari ma raliang hnhung, majah qmang aih wì aih khoe ùh yỏc ka rađeh kan loq waq ãa bàu joq qnàng ãòeq hu jah ãeh.

¹¹ Aih ìq ãài Boc Plình majah ãòq wì haq hlech ta kan ìq làn, aih trong ma broq ka wì haq lùì kan padô aluàn,

¹² ãòeq ãiq ãông ka magari ma ùh lùì bàu joq qnàng, mahaq enh toq trong ùh taq atoq, ãiq ep oe enh qneq ka kan hadrah ãa haq.

¹³ Mahaq pì oh daq aih mangai Chuaq ma loq waq, nhèn toq manè apôi Boc Plinh am ka pì, dài majah qmang aih Boc Plinh khoe ràih qmoè pì enh jò baxèm òòeq hu am ka pì kan dèch claih, òòeq hu basròeh pì xi Yiang Hadròeh xam manoh lùì bàu joq qnàng.

¹⁴ Aih ìq dài haq majah yǒc Bàu lem da nhèn hu creó ka pì oh daq, òòeq pì oh daq jah kan ranhòm enh Chuaq Jesus Christ bèn.

¹⁵ Qmang aih, pì oh daq, ep yòng ma cajap, ep wèq tiaq bài trong nhèn ma khoe hnài, yac ka xam bàu xam jàiq nhèn ma achìh am ka pì.

¹⁶ Waiq cla Jesus Christ aih Chuaq da bèn, xam Boc Plinh, Baq bèn aih Mangai ma khoe loq waq ka bèn, khoe yǒc dèh kan tabàih enh haq òòeq hu am ka bèn kan alòng mòeq òòeq xam kan tangèh lem lình,

¹⁷ alòng manoh oh daq broq ka oh daq jah cajap ta rìm trong lem xam bàu tapoch lem.

3

Pariaq hmàng waiq khàn...bàu hangah

¹ Atiq hòm, oh daq hmàng waiq khàn am ka nhèn diq, dōq trong da Chuaq rênh jah anoe aràng jàp jà, jah qngah qngai tìah ka taqne pì oh daq,

² waiq khàn dōq nhèn jah claih enh tì kǒng mangai ngang dù, majah qmang aih ùh xài rìm ngai diq i manoh lùì.

³ Mahaq Chuaq ùh tablòq manoh, haq aih ma hi broq ka oh daq jah cajap hagau rai wèq oh daq claih ka Mangai dù.

⁴ Enh dalam ka Chuaq, joq nhèn i dèh kan lùì rameh: manòeq kô oh daq qnang broq, tangèa èh dua pì oe broq hòmm trong nhèn ma khoe tanap thê.

⁵ Waiq Chuaq sreo aràng manoh pì oh daq trùh ta kan loq waq da Boc Plình xam kan loq kêm da Christ.

⁶ Canòm ka yiniq Chuaq Jesus Christ bèn, nhèn pariaq pì oh daq ep wia ka hangai mangai leq khoe lùì mahaq aroh, rìh manhài tràì ùh lam tiaq bàù hnài pì ma khoe jah enh nhèn.

⁷ Cla pì oh daq loq dèh trong leq rađeh ma ep broq òòeq hu tiaq dua nhèn, majah qmang aih jò nhèn oe ti pì nhèn ùh i oe dech,

⁸ qnhòq hmaq acaq dech da cabô cleq, mahaq dahì damang nhèn abroq xalep, òòeq ùh hìaq broq kan trap qmòe ka cabô taqne pì oh daq.

⁹ Aih ùh xài nhèn ùh i cwìang aih, mahaq nhèn enh broq dua ka oh daq hnoq, òòeq oh daq tiaq dua nhèn.

¹⁰ Jò nhèn oe ti pì oh daq nhèn khoe doe ka pì: Mangai leq ùh abroq, aih apaq acaq.

¹¹ Majah qmang aih nhèn hì, taqne pì oh daq i mangai aroh, ùh dùh qmòe ka abroq, toq ti halang chaq yiniq da wì qnoeq.

¹² Canòm yiniq Chuaq Jesus Christ, nhèn thê rai pariaq mangai aih ep oe ma hatinh haq, chaq abroq òòeq hu jah acaq dèh dahwèq enh cla broq loh.

¹³ Mahaq pì oh daq apaq tagah lep ka broq trong lem.

¹⁴ Tàng loq i mangai leq ùh iu tiaq bàù nhèn achìh ta jàiq kô, aih pì hmàng oq! Apaq taqmùt

ti wì aih, dôq wì haq loq hmàng ka camaih.

¹⁵ Mahaq apaq ngan wì aih tìah ka mangai tagit, mahaq ti àu pariaq hnài wì aih qmang ka oh daq cla.

¹⁶ Manòeq kô waiq Chuaq da kan catèm, am ka oh daq kan catèm rìm hì, rìm trong! Waiq Chuaq oe dìq dǒng ti pì oh daq.

¹⁷ Au kô Phaulô, tì kǒng cla au ma achìh bàu hmàih kô ka pì, ta rìm ara q jàiq da au ma achìh, au dìq achìh qmang aih, òeq broq teu hadro ka pì canau ka au.

¹⁸ Waiq kan tabàih da Chuaq Jesus Christ bèn oe ti oh daq!

Hset Hadròeh
The New Testament in the Hre language of Vietnam,
translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d